



Universitätsbibliothek Paderborn

Svmmvla Caietani

Cajetan, Thomas

Antverpiae, 1575

Vinculum ad ieunium astringens, quale sit.

urn:nbn:de:hbz:466:1-41716

Quo ad quartum) quale scilicet est vinculum quo tenetur ad Ecclesiæ ieunia) ex communi interpretatione videtur vinculum præcepti obligantis ad mortale transgressores ex obedientia vel contemptu: quia contra obedientiam directè ageretur: & hoc habetur pro certo, vel sine rationabili causa vera aut aestimata, vel authorizata, non habita generali aut speciali gratia summi pontificis: quia tunc scienter ageretur contra opus præceptum. Et hoc ego non audeo ex iure scripto assere: quia nullibi scio scriptū esse præceptum obligans ad mortale non ieunianē quāvis inueniatur præceptū, hoc est statutum, obligans: hoc est, inuenitur præceptum ut distinguitur contra consilium, & non præceptū antonomasice, quod solū obligat ad mortale: ut in verbo præceptū, habes infra, & propterea quantū ast ex iure scripto, nullū cognosco interuenire mortale peccatum in fractione ieunii Ecclesiæ, si desit contemptus. Dixi autem generali gratia summi Pont. propter consuetudinem refectorii seu tinelli in curia Romana: ex eo enim quod cum pontificum tam diuturna scientia sic seruatur, curiales qui tenello sunt contenti, non frangunt ieunia, quamvis panem cum acetario seu salutatio comedat vesperi, prout ibi dati consuevit: sed ieunant more curiae. Frangens autē ieunium aliquo die, non toties quoties comedit, de novo peccat, quia postquam illud fregit, non facit contra præceptū, quod impossibile est amplius obseruari. Et quia quolibet die potest quis seruare præceptum ieunium illius diei: ideo de novo quotidie peccat peccato omissionis, qui quotidie omittit ieunium quadraginta, &c. Hæc de qua to, & tota misteria ieunii, quæ si amplius scrutari vis, videre potes commentaria.

nia nostra super quæst. cœlvii. secunda secundæ.

Ignorantia quo casu vertatur in peccatum.

Ignorantia tunc tantum peccatum est quum quis potest & debet scire aliquid siue iuris, siue facti, & non facit quod in se est, ut sciat illud. Tenetur quilibet scire communia, & fidei & iuris, quæ communiter à fidelibus Christianis communiter instructis à parentibus & prædicatoribus & conuersatione Christiana sciuntur: ut articuli fidei, decem præcepta, præcepta de confessione, communione, & iejunis Ecclesiæ. Non quod teneantur scire verba symboli, aut numerare decem præcepta: aut scire discernere præcepta: sed quod nouerint fide esse unum Deum omnipotentem, & Iesum Christum filium, & quod natus ex Maria virgine, &c. similiter sciāt quod solus Deus adorandus est, nō esse perjurandum, seruanda esse festa, honorandos parentes, &c. Hoc enim est nosse & credere in actu exercito ea quæ quis teneat scire. Et nō consistit in scire verba hæc vel illa quæcumque sint. Præter hæc autem quilibet tenetur scire illa quæ debet ex suo officio aut gradu aut voto, &c. facere: quia aliter non nisi à casu recte se habere possit in occurrentibus. Est autem ignorantia tunc tantum causa peccati, quantum si quis sciisset, peccatum illud non fecisset. Nec excusat à peccato, nisi sit inculpabilis. Minuit tamen peccatum quia minuit voluntarium, nisi sit affecta: quia tunc auget voluntarium.

*Superstitiosa imaginum obseruatio
damnabilis est.*

Imaginibus pure astronomicis uti ad affectus subiectos coelestibus corporibus, nullū peccatum esse videtur: quia ut res pure naturales habentur, nec debemus secreta naturæ præseruum coelestis influxus,

peccatum